

Mércores, 20 de decembro de 2023

Núm. 243

ADMINISTRACIÓN LOCAL**PROVINCIAL****DEPUTACIÓN PROVINCIAL****Subvencións e axudas**

BASES REGULADORAS E CONVOCATORIA DE SUBVENCÍONS DO PROGRAMA DE AXUDAS A COMUNIDADES DE USUARIOS DE AUGAS DA PROVINCIA DE PONTEVEDRA PARA O ANO 2024 (PROGRAMA +AQUA 2024)

BASES REGULADORAS E CONVOCATORIA DE SUBVENCÍONS DO PROGRAMA DE AXUDAS A COMUNIDADES DE USUARIOS DE AUGAS DA PROVINCIA DE PONTEVEDRA PARA O ANO 2024 (PROGRAMA +AQUA 2024)

ANTECEDENTES

Tras oito anos nos que o anterior goberno provincial deixou de convocar as liñas de axudas económicas de acción comunitaria, logo da constitución da nova Corporación, o grupo de Goberno Provincial pretende corrixir esta situación e volver a retomar o seu apoio económico aos movementos asociativos veciñais, entre os que se inclúen as comunidades de usuarios de auga.

A esta decisión contribúe o feito de ter constatado a forte implantación destas entidades na provincia e a necesidade de potenciar a acción de fomento neste eido, xa que tras oito anos nos que o anterior goberno descartou o fomento deste tipo de axudas, existe unha demanda moi importante de necesidades de investimento por parte destas entidades. Así se constata ao analizar a significativa presentación de solicitudes en liñas de axuda doutras administracións, nas que resulta patente que a provincia de Pontevedra é a que maior número de solicitudes presenta e tamén na que máis número de solicitudes quedan sen financiamento por mor das limitacións orzamentarias.

Esta forte demanda de investimentos que se ve acrecentada pola aprobación do Real Decreto 3/2023, de 10 de xaneiro, polo que se establecen os criterios técnico-sanitarios da calidade da auga de consumo, o seu control e subministro.

Ademais, nesta nova etapa, esta liña de acción pretende ser un instrumento para impulsar a cohesión territorial, a sostibilidade ambiental e a habitabilidade humana, desde un enfoque centrado, por primeira vez, nos obxectivos do reto demográfico. Por elo preténdese non só recuperar os programas de acción comunitaria, senón tamén impulsalos e fortalecelos renovando e modernizando o seu enfoque e centrándoo nas persoas, de maneira que se aliñen cos Obxectivos de Desenvolvemento Sostible da Axenda 2030, co Acordo de París sobre cambio climático ou coa Nova Axenda Urbana. Para este fin, defínense desde unha perspectiva de integración social, de modo que a acción institucional se centra en comunidades veciñais e espazos que son usualmente máis afectados pola desigualdade territorial: pequenas comunidades e áreas rurais;



Mércores, 20 de decembro de 2023

Núm. 243

é dicir, que se pon o acento na necesaria vertebración do territorio e a xeración de sinerxías positivas principalmente nos ámbitos rurais e implicando directamente á propia veciñanza na construción do seu propio modelo de vida con parámetros de calidade, sostibilidade e equidade na prestación de servizos.

Con tal fin, a Deputación vese na obriga de cubrir as necesidades das entidades veciñais e comunitarias activando unha liña de axudas a través do Programa +AQUA 2024, para comunidades de usuarios de auga, cos seguintes obxectivos xerais:

- a) A mellora do medio rural e barriadas urbanas mediante un mellor aproveitamento dos recursos dispoñibles, que permita ós seus habitantes unhas adecuadas condicións de vida
- b) O desenvolvemento das propias comunidades de usuarios co obxecto de aumentar a súa capacidade de xestión e resolución de problemas, fomentar a súa participación nos distintos ámbitos de actuación e propiciar a súa sustentabilidade
- c) Contribuír á mellora da calidade de vida local e fomentar e dinamizar o asociacionismo e o desenvolvemento comunitario
- d) Mellorar as infraestruturas e equipamentos comunitarios para facilitar a autoxestión das comunidades, favorecendo a transformación social do territorio de xeito integrador e colaborativo
- e) Contribuír á implantación homoxénea en todo o territorio provincial de servizos comunitarios básicos que redunden na mellora da calidade de vida da veciñanza
- f) Apoiar e fortalecer a participación das comunidades locais na mellora da xestión da auga, garantir o acceso universal e equitativo á auga potable, mellorar a súa calidade, aumentar o uso eficiente dos recursos hídricos e asegurar a sostibilidade do abastecemento

De forma complementaria, esta liña de acción créase con un enfoque centrado tamén nos principios e obxectivos do reto demográfico, de xeito que contribúan a:

- Impulsar a vertebración do territorio, garantindo o equilibrio e a cohesión territorial, desde o punto de vista da funcionalidade e a ampliación das posibilidades vitais para a poboación
- Garantir a igualdade no acceso a servizos e oportunidade
- Favorecer a funcionalidade territorial
- Reducir a vulnerabilidade socio-territorial
- Mellorar a relación e interaccións entre o medio urbano e rural
- Incorporar fórmulas novas, innovadoras e transformadoras para activar as oportunidades no territorio
- Perfeccionar os mecanismos de gobernanza multinivel e multiactor



Mércores, 20 de decembro de 2023

Núm. 243

INTRODUCCIÓN

A auga é o recurso natural máis importante, a base de toda forma de vida e o recurso básico para garantir a vida de todos os seres vivos do planeta. O acceso á auga, ao saneamento e á hixiene é un dereito fundamental e sen embargo, miles de millóns de persoas de todo o mundo seguen enfrontándose a diario a enormes dificultades para acceder a estes servizos máis esenciais.

O crecemento económico tamén depende en gran medida da auga. É un factor vital para a produción, polo que a redución das súas existencias pode traducirse nunha desaceleración do desenvolvemento económico. Asegurar unha subministración suficiente e constante de auga nun contexto de crecente escaseza é esencial para alcanzar os obxectivos mundiais de alivio da pobreza. É vital tamén ampliar a subministración e a dispoñibilidade de auga onde se poida e corresponda. Isto inclúe investimentos en almacenamento, reciclaxe e reutilización da mesma. Estas intervencións deben ir acompañadas de políticas que promovan a eficiencia no seu consumo e melloren a súa distribución.

A garantía de subministración pasa pola prevención, procurando unha maior eficiencia e responsabilidade na xestión e no uso das reservas hídricas, a identificación das zonas máis vulnerables, a promoción de actividades que animen a un uso eficiente e a un consumo responsable e as operacións estratéxicas no diagnóstico do sistema de abastecemento.

En consonancia co Obxectivo de Desenvolvemento Sostible número 6 e debido a que a xestión da auga supón un reto que se prevé cada vez maior no contexto do cambio climático, a Axenda 2030 española no seu plan de acción xa recoñece a importancia deste recurso tan esencial e sitúa á xestión dos recursos hídricos nun papel destacado no marco das políticas públicas españolas.

Día a día, os municipios da nosa provincia intensifican as accións de vixilancia e de control para a limitación do uso non prioritario da auga; pero aínda así, a situación real de abastecemento é preocupante en pequenos e medianos municipios. A pesar de que aínda son capaces de prestar o servizo de abastecemento domiciliario de auga potable, carecen da capacidade técnica e económica suficiente para garantir a subministración en certas circunstancias.

A Lei 7/1985, de 2 de abril, reguladora das bases do réxime local (LRBRL), no seu artigo 26, regula os servizos que, como mínimo, deben prestar os concellos. A obrigatoriedade de tales servizos establécese en función da poboación do municipio, aínda que un conxunto de servizos que deben prestarse en todos eles, entre os que se inclúen o abastecemento de auga potable a domicilio.

A atribución competencial básica realizada pola lei de bases refórzase na lexislación galega. Así, na Lei 5/1997, de 22 de xullo, de Administración local de Galicia, no artigo 80.2, 1) que atribúe aos municipios competencias en materia de subministración de auga, e no artigo 81.a) no cal se recolle a obrigatoriedade de prestar en tódolos municipios os servizos de abastecemento domiciliario de auga potable. E no artigo 5 da Lei 9/2010, de 4 de novembro, de augas de Galicia, que atribúe aos concellos competencias en materia de abastecemento e establécese



Mércores, 20 de decembro de 2023

Núm. 243

como servizo de prestación obrigatoria por todos os concellos, na liña da lexislación básica, o abastecemento domiciliario de auga potable e o seu control sanitario.

Pola súa banda, as deputacións provinciais, teñen outorgadas segundo o artigo 36.1.b) da LRBRL, as funcións de cooperación e asistencia aos municipios, asegurando, especificamente naqueles de menor capacidade económica e de xestión, a prestación daqueles servizos municipais de carácter obrigatorio. Na mesma liña pronúnciase o artigo 82 da antedita lei 5/1997, de 22 de xullo dicindo que a prestación homoxénea dos servizos mínimos constitúe un obxectivo a cuxa consecución dirixiranse, preferentemente, as funcións asistenciais e de cooperación municipal das deputacións provinciais. No mesmo senso, a lei 27/2013, do 27 de decembro, de racionalización e sustentabilidade da Administración, posiciona ás deputacións provinciais como garantes da adecuada prestación dos servizos públicos de competencia municipal.

Non obstante, ante a imposibilidade práctica de que as administracións xestionen directamente o abastecemento de auga a toda a poboación, existen instrumentos xurídicos para coxestionar esta obriga, sen prexuízo das competencias de control e tutela ou das medidas de fomento que se aproben para unha mellor prestación do servizo. Así, o artigo 81 do texto refundido da Lei de augas, aprobado polo Real decreto lexislativo 1/2021, do 20 de xullo, establece a obriga de que os usuarios da auga e doutros bens do dominio público hidráulico dunha mesma toma ou concesión estean constituídos en comunidades de usuarios.

Este panorama, xa de por si complexo, complícase en maior medida á raíz da aprobación do Real Decreto 3/2023, de 10 de xaneiro, polo que se establecen os criterios técnico-sanitarios da calidade da auga de consumo, o seu control e subministración, mediante o que se incorporan as esixencias derivadas da Directiva (UE) 2020/2184, relativa á calidade das augas destinadas ao consumo humano. Esta complexidade na xestión, fai aconsellable e necesario adoptar medidas de fomento para facilitar que as comunidades de usuarios poidan implicarse na xestión da auga e sumar sinerxías coas administracións.

Amais, a Lei de Administración local de Galicia (5/1997, de 22 de xullo) habilita nos seus artigos 255 e 256 ás asociacións de veciños para a defensa dos intereses xerais ou sectoriais dos veciños, sendo os concellos quen especificamente favorecerán o desenvolvemento daquelas que se constituán. Nesa mesma liña, o artigo 72 da lei de bases (LRBRL) establece que as corporacións locais favorecen o desenvolvemento das asociacións para a defensa dos intereses xerais ou sectoriais dos veciños, facilitánlles a máis ampla información sobre as súas actividades e, dentro das súas posibilidades, o uso dos medios públicos e o acceso ás axudas económicas para a realización das súas actividades e impulsan a súa participación na xestión da Corporación nos termos do número 2 do artigo 69. A tales efectos poden ser declaradas de utilidade pública.

Por outra parte, o artigo 15 da Lei 5/2021, de 2 de febreiro, de impulso demográfico de Galicia, dispón que as administracións públicas de Galicia promoverán a participación do terceiro sector social nas accións de impulso demográfico para fortalecer o recoñecemento e o exercicio efectivo dos dereitos sociais, mellorar o coñecemento e a cobertura das necesidades da poboación máis vulnerable e avanzar nunha sociedade cohesionada e inclusiva. E no artigo 18 establece que o sector público autonómico incorporará nas bases reguladoras das axudas e subvencións requisitos



Mércores, 20 de decembro de 2023

Núm. 243

dirixidos a promover a implicación dos diferentes axentes na sustentabilidade demográfica e na cohesión territorial de Galicia, de modo que se favoreza, entre outras, a permanencia das persoas no lugar de residencia habitual ou a conciliación corresponsable.

Por todo iso, ao ser a auga un recurso esencial e escaso tanto para a cidadanía como para o desenvolvemento económico de calquera sector, é preciso garantir o abastecemento de auga de calidade para consumo humano naquelas zonas que, por mor da seca, por carecer de sistemas axeitados e/ou pola deterioración das redes, se atopen en situacións de emerxencia, carestía ou ineficiencia na prestación do servizo; sendo este o motivo da necesidade desta liña de subvencións, mediante a cal a Deputación de Pontevedra se compromete a axudar a aquelas comunidades de usuarios de augas da provincia de Pontevedra legalmente constituídas e debidamente inscritos no rexistro público correspondente, con domicilio social na provincia de Pontevedra.

CAPÍTULO I. DISPOSICIÓNS XERAIS.

PRIMEIRA. OBXECTO E FINALIDADE; ACTUACIÓNS SUBVENCIONABLES.

1.1 Constitúe o obxecto destas bases a ordenación do procedemento aplicable para a concesión de subvencións, en réxime de concorrència competitiva, no marco do programa de axudas a comunidades de usuarios de augas para o ano 2024 (+AQUA 2024), para sufragar os gastos destinados a mellorar, en termos cualitativos e cuantitativos, a calidade da auga e o estado das instalacións de captación, potabilización, abastecemento e almacenamento de augas de consumo das comunidades de usuarios de augas da provincia de Pontevedra, e convocar estas subvencións para o ano 2024

1.2 A finalidade das axudas é a de contribuír a mellorar a calidade de vida local e satisfacer as necesidades básicas da poboación a través do financiamento de actuacións que contribúan á mellora na prestación do servizo de abastecemento de auga para consumo humano e o seu control sanitario para contribuír á mellora do nivel de garantía deses sistemas en canto á calidade da auga.

1.3 Actuacións subvencionables:

Serán subvencionables os gastos derivados de investimentos ou actuacións que se realicen no período comprendido entre o 1 de xaneiro de 2024 ata o fin do prazo de execución regulado nestas bases, sempre que estean destinados á mellora da calidade da auga e do estado das instalacións de captación, potabilización, tratamento e almacenamento da auga nas traídas xestionadas polas comunidades de usuarios solicitantes a través dalgunha das seguintes intervencións:

1. Actuacións que supoñan a mellora, reforma ou reparación das infraestruturas e instalacións das traídas de auga comunitarias:

- Instalación de contadores
- Novas canalizacións e reparación das existentes



Mércores, 20 de decembro de 2023

Núm. 243

- Actuacións sobre as redes de distribución
 - Actuacións sobre tomas de auga
 - Actuacións de acondicionamento e recuperación dos espazos onde se localicen as infraestruturas e equipamentos comunitarios
2. Actuacións de dixitalización, sostibilidade e eficiencia enerxética das instalacións e infraestruturas que impliquen unha mellora na xestión da auga:
- Actuacións de mellora en xeral que redunden na eficiencia enerxética e a mellora da sostibilidade das instalacións e infraestruturas
 - Actuacións que supoñan a incorporación de tecnoloxías innovadoras que redunden nunha mellora da xestión da auga
 - Actuacións de dixitalización para o control da subministración e a calidade da auga
3. No ámbito dos sistemas de tratamento da auga, serán subvencionables as seguintes actuacións:
- Obras de mellora nos sistemas de filtración e decantación
 - Instalación de medidores de turbidez
 - Instalación ou obras de mellora de sistemas de desinfección e de recirculación
 - Instalación de dispositivos de cloración e potabilización da auga
 - Instalación ou obras de mellora da eficiencia enerxética no tratamento da auga
4. No ámbito da legalización de novas concesións ou novación das existentes, serán subvencionables as seguintes actuacións:
- Custo de redacción do proxecto de legalización/novación
 - Custos de realización das analíticas obrigatorias segundo o Real Decreto 3/2023, de 10 de xaneiro, polo que se establecen os criterios técnico-sanitarios da calidade da auga de consumo, o seu control e subministración
5. No ámbito da calidade da auga subministrada, serán subvencionables as seguintes actuacións:
- Implantación ou mellora de sistemas de tratamento da auga que impliquen unha mellora da calidade da auga
 - Melloras nas infraestruturas de almacenamento que incidan directamente na calidade da auga
6. No ámbito das captacións, serán subvencionables as seguintes actuacións:
- Obras de mellora nas arquetas de captación e os seus elementos
 - Obras de mellora da protección do pozo de captación
 - Instalación de selos sanitarios nos pozos de captación
 - Obras para mellorar os perímetros de protección das captacións



Mércores, 20 de decembro de 2023

Núm. 243

- Obras para novas captacións, canalizacións e acometidas ou acondicionamento, recuperación ou ampliación das existentes

7. No ámbito das infraestruturas de almacenamento da auga antes da súa subministración, serán subvencionables as seguintes actuacións:

- Instalacións ou obras de mellora dos respiradoiros
- Impermeabilización de depósitos
- Instalación ou obras de mellora na cámara de claves, válvulas de control de enchido para evitar desbordamentos e sectorización
- Construción de depósitos de auga comunitarios ou acondicionamento, recuperación ou ampliación dos existentes

En calquera caso, só serán subvencionables as actuacións operativas, é dicir, aquelas que conteñan os elementos necesarios para acadar a finalidade para a cal foron deseñadas.

Todos os gastos deberán corresponderse con actuacións realizadas dentro do prazo de execución establecido nestas bases.

Non serán subvencionables os gastos correntes das entidades, tales como material funxible, luz, auga, teléfono, alugueiros de locais e similares, nin tampouco vehículos e teléfonos móbiles, nin bens de alta gama que non xustifiquen expresamente a súa utilización preferente sobre outros dispoñibles no mercado.

En ningún caso serán subvencionables os gastos sobre actuacións en novas infraestruturas e equipamentos ou sobre os xa existentes cando non estean amparados pola correspondente concesión.

Os gastos notariais e rexistrais, así como os de redacción de memoria ou proxecto serán subvencionables se están directamente relacionados coa actividade subvencionada e son indispensables para a adecuada preparación ou execución da mesma.

O importe subvencionable non poderá ser superior ao valor de mercado. Para estes efectos, os importes máximos subvencionables das operacións establecidas calcularanse tomando como referencia as tarifas vixentes ao momento da solicitude para o Seaga, que estarán publicadas no enlace <http://www.epseaga.com/?q=gl/node/8> e na páxina web da Axencia Galega de Desenvolvemento Rural, agader.xunta.gal, en formato .bc3.

As unidades de obra manterán todos os elementos unitarios que as conforman nas tarifas Seaga (man de obra, materiais, maquinaria, medios auxiliares, etc.), tendo en conta que:

- Non se poden modificar as cantidades necesarias nin os rendementos dos elementos que compoñen a unidade de obra
- Soamente se poderán modificar os prezos dos elementos unitarios referidos anteriormente, sempre e cando o prezo da unidade de obra non supere ao das citadas tarifas



Mércores, 20 de decembro de 2023

Núm. 243

Todas as unidades de obra que non respecten o establecido nos parágrafos anteriores serán consideradas como non subvencionables.

En ningún caso o importe unitario máximo subvencionable poderá ser superior ao valor dos prezos unitarios máximos indicados no punto anterior, nin se admitirán gastos que non garden unha relación directa coa actividade subvencionable. No caso de non atoparse referencias para unidades concretas, terase en conta o valor de mercado que comprobarán os servizos técnicos provinciais.

A entidade solicitante deberá xustificar adecuadamente que a actuación está amparada pola correspondente concesión, se corresponde con algunha das actuacións subvencionables e se realiza integramente no territorio provincial, para o cal a Deputación solicitará cantos documentos e aclaracións considere pertinentes. De non considerarse suficientemente acreditado o cumprimento desta circunstancia, a Deputación poderá desestimar a solicitude, previa resolución motivada por parte do órgano competente.

SEGUNDA. NATUREZA XURÍDICA.

De conformidade co establecido no artigo 5 da Lei 38/2003, de 17 de novembro, xeral de subvencións (LXS) e do artigo 4 da Ordenanza xeral de subvencións da Deputación de Pontevedra (OXS), as axudas que se arbitren a favor das entidades beneficiarias no marco desta liña de axudas, para o programa de axudas a comunidades de usuarios de augas para o ano 2024 (+AQUA 2024), terán o carácter de subvencións e rexeranse pola seguinte normativa:

- Lei xeral de subvencións, nos artigos de carácter básico e na súa normativa tamén básica de desenvolvemento
- Lei de subvencións da Comunidade Autónoma de Galicia e a súa normativa de desenvolvemento
- Artigos non básicos da LXS e normativa de desenvolvemento
- Lexislación de réxime local estatal e autonómica
- Ordenanza xeral de subvencións da Deputación de Pontevedra
- Bases de execución do orzamento, sobre todo nos aspectos orzamentario e contable
- Convocatoria e bases reguladoras destas
- Actos administrativos ditados polos distintos órganos da Deputación

TERCEIRA. APROBACIÓN DAS BASES.

De acordo co establecido na base 16.2 das Bases de execución do Orzamento para o exercicio 2024 e cumprindo co establecido no artigo 17 da LXS, o órgano competente para aprobar estas bases é a Xunta de Goberno da Deputación.



Mércores, 20 de decembro de 2023

Núm. 243

CUARTA. ENTIDADES BENEFICIARIAS.

1. Poderán solicitar as axudas reguladas nestas bases as comunidades de usuarios de augas coa finalidade de abastecemento para consumo humano, que teñan domicilio social na provincia de Pontevedra, estean legalmente constituídas e debidamente inscritas no rexistro público correspondente como titulares do aproveitamento das augas para o que solicitan a subvención, para a realización dos investimentos subvencionables en terreos ou inmoebles da súa titularidade ou sobre os que dispoñan dun dereito de uso por calquera título válido cunha duración mínima de cinco anos.

2. Para obteren a condición de beneficiarias, as comunidades de usuarios deberán cumprir, con anterioridade ao remate do prazo de presentación de solicitudes os seguintes requisitos:

- Ter domicilio social na provincia de Pontevedra
- Estar legalmente constituídas como titulares dunha concesión de aproveitamento de augas para consumo humano e debidamente inscritas no rexistro público correspondente como titulares do aproveitamento de augas para o que solicitan a subvención
- Ter a titularidade ou o dereito de uso sobre os terreos ou inmoebles sobre os que se vaia realizar o obxecto subvencionable, sitos na provincia de Pontevedra, cunha duración mínima de cinco anos
- Non estar incursas en ningún procedemento sancionador ou de reposición co organismo de bacía correspondente
- Cumprir os requisitos recollidos no artigo 13 da Lei 38/2003, de 17 de novembro, de subvencións
- Estar ao día nas obrigas que lles sexan de aplicación coa Axencia Estatal da Administración Tributaria, a Tesourería Xeral da Seguridade Social, a Axencia Tributaria de Galicia e a Deputación de Pontevedra

3. Ningunha comunidade de usuarios poderá presentar máis dunha solicitude ao abeiro desta convocatoria de axudas, aínda que se refira a actuacións distintas. O incumprimento deste punto dará lugar á inadmisión das solicitudes presentadas en segundo lugar ou sucesivo lugar.

QUINTA. FINANCIAMENTO.

A contía desta convocatoria de axudas ascende a un millón (1.000.000,00 €) de euros, financiados con fondos propios da Deputación con cargo ao orzamento provincial do exercicio 2024, imputable ás aplicacións orzamentarias 2024/942.4590.489.07, para gastos correntes, e 2024/942.4590.789.07, para gastos de investimentos reais.

A distribución inicial dos créditos entre ambas aplicacións poderá ser modificada, co límite do importe global, de acordo coa proposta de concesión e previa tramitación da modificación orzamentaria que corresponda, debendo procederse á publicación destes cambios nos mesmos medios que a convocatoria. Unha vez que se aprobe a resolución de concesión non poderá



Mércores, 20 de decembro de 2023

Núm. 243

modificarse dita distribución, sen prexuízo da posibilidade de ampliación do crédito segundo o disposto nos parágrafos seguintes.

A contía inicial máxima poderá ampliarse como consecuencia da existencia de remanentes na convocatoria correspondente co Programa de acción comunitaria da provincia de Pontevedra (Plan Provincia Comunitaria 2024), financiado con cargo ás aplicacións 2024/942.4590.789.07.

O incremento de crédito condiciónase a existencia de crédito dispoñible como consecuencia da circunstancia referida e aprobación, no seu caso, da modificación orzamentaria correspondente.

O órgano concedente deberá publicar a ampliación de crédito nos mesmos medios que a convocatoria sen que dita publicidade implique a apertura de prazo para presentación de novas solicitudes nin inicio de novo cómputo de prazo para resolver.

No caso de que o importe destinado a esta convocatoria non se esgotase no momento da concesión, o crédito declarado dispoñible poderase empregar, de xeito adicional, para a concesión doutras subvencións a solicitudes en lista de agarda do Programa de acción comunitaria da provincia de Pontevedra (Plan Provincia Comunitaria 2024).

De seguir existindo crédito dispoñible, a deputación poderá acordar a apertura de sucesivas convocatorias ata o esgotamento final do crédito.

SEXTA. CRITERIOS DE CONCESIÓN E CONTÍA DAS SUBVENCIONES.

6.1. As subvencións outorgaranse polo procedemento de concorrencia competitiva, de acordo cos principios establecidos no artigo 8.3 da Lei 38/02003, do 17 de novembro, xeral de subvencións.

A axuda económica que se conceda poderá abarcar a totalidade do investimento solicitado cun máximo de DEZ MIL (10.000,00 €) euros e un mínimo de SEIS MIL (6.000,00 €) euros por entidade beneficiaria. Unicamente se concederá unha axuda por entidade.

Aplicaranse os seguintes criterios e baremos para a valoración das solicitudes, que poderán obter un máximo de 80 puntos:

- a) Pola xustificación da necesidade e adecuación dos obxectivos que se pretenden conseguir, en función da valoración dos seguintes aspectos: calidade, eficiencia, impacto territorial e porcentaxe de cofinanciamento. Valorarase, sobre o contido dunha memoria explicativa e o orzamento que deberá achegarse para a súa valoración, do seguinte xeito (ata 35 puntos):
 1. Calidade da memoria.— por conter todos os apartados enumerados a continuación e describirse de forma detallada, completa e clara de forma que se aprecien claramente os requisitos e aspectos a valorar (ata 19 puntos):
 - Por conter o detalle do orzamento correctamente desagregado con indicación de todos os prezos unitarios comparados sobre as tarifas de referencia vixentes do SEAGA (no caso de conter referencias comparativas parciais ou incompletas, ou non xustificar a súa inexistencia, a puntuación será de 3 puntos): 10 puntos



Mércores, 20 de decembro de 2023

Núm. 243

- Por conter a descrición detallada da situación de partida, da intervención a desenvolver e dos obxectivos que se pretenden acadar (no caso de conter descrições parciais ou incompletas a puntuación será de 1 punto): 3 puntos
- Por conter unha reportaxe fotográfica da situación de partida, mapas e planos de situación e dos investimentos a realizar (no caso de conter parcialmente a documentación ou ser incompleta a puntuación será de 1 punto): 3 puntos
- Por conter a descrición detallada de todos os aspectos a valorar no apartado a) de forma ordenada e clara: 3 puntos

2. Mellora da eficiencia: ata 10 puntos

- Por xustificar o impacto positivo en materia de economía circular e eficiencia enerxética: 4 puntos
- Por xustificar a implantación de medios dixitais: 4 puntos
- Por xustificar outro tipo de aforros a curto, medio e longo prazo de consumos, tempos de xestión, económicos e outros indicadores de mellora: 2 puntos

3. Impacto territorial no cumprimento dos obxectivos de reto demográfico.— en función do índice de envellecemento da poboación do concello onde ten o domicilio social a entidade solicitante, de conformidade aos datos publicados polo Ministerio para a Transición Ecolóxica e o Reto Demográfico no seguinte enlace (ata 3 puntos): https://public.tableau.com/app/profile/reto.demografico/viz/SistemaIntegradodeDatosMunicipales/B1_Demografico_Provincial

- Índice de envellecemento da poboación >300: 3 puntos
- Índice de envellecemento da poboación de 200 a <300: 2 puntos
- Índice de envellecemento da poboación de 100 a <200: 1 punto
- Índice de envellecemento da poboación <100: 0 puntos

4. Porcentaxe de cofinanciamento das actuacións: en función da porcentaxe de cofinanciamento pola propia entidade solicitante sobre o orzamento total das actuacións subvencionables: ata 3 puntos:

- Por cofinanciar máis dun 20%: 3 puntos
- Por cofinanciar ata un 20%: 2 puntos
- Por cofinanciar ata un 10%: 1 punto

b) Pola tipoloxía da actuación, de xeito acumulativo ata un máximo de 30 puntos:

1. Actuacións sobre a infraestrutura básica da traída (captación, canalizacións, depósitos e similares): 6 puntos
2. Actuacións destinadas a mellorar a xestión, a medición ou o control da calidade da auga: 6 puntos
3. Actuacións de implantación e mellora de tecnoloxías e instalacións eléctricas que permitan optimizar a eficiencia e o aforro enerxéticos na traída de augas: 6 puntos
4. Actuacións de dixitalización que redunden nunha mellora do control da subministración da auga e/ou a súa calidade: 6 puntos



Mércores, 20 de decembro de 2023

Núm. 243

5. Actuacións nos elementos complementarios asociados á infraestrutura da traída ou que impliquen outro tipo de melloras: 6 puntos

Non se puntuarán as actuacións que teñan un encaixe residual, non significativo, en calquera das tipoloxías enumeradas, o que deberá xustificarse polos servizos técnicos provinciais e a Comisión de Avaliación. A estes efectos establécese como non significativas aquelas actuacións que non alcancen o 10% do valor total do orzamento presentado.

c) Pola representatividade da entidade solicitante, en función do número de comuneiros da comunidade de usuarios, acreditado mediante certificación emitida pola persoa secretaria da entidade actualizada con data comprendida como máximo desde os tres meses anteriores á data de apertura da convocatoria (ata 10 puntos):

1. Máis de 200 membros: 10 puntos
2. Entre 151 e 200 membros: 8 puntos
3. Entre 101 e 150 membros: 6 puntos
4. Entre 51 e 100 membros: 4 puntos
5. Entre 10 e 51 membros: 3 puntos
6. Entre 5 e 10 membros: 2 puntos
7. Menos de 5 membros: 1 punto

d) Pola corresponsabilidade financeira, entendida como as achegas realizadas polos comuneiros da comunidade de usuarios, que se acreditará coa certificación do secretario da entidade das cotas dos comuneiros, xustificantes dos ingresos da última anualidade vencida ou documentos análogos que permitan a comprobación, puntuarase do seguinte xeito (no caso de existir cotas de diferente importe por comuneiro, considerarase a media ponderada), ata 5 puntos:

1. Cota de máis de 81 euros ao ano: 5 puntos
2. Cota de entre 51 e 80 euros ao ano: 4 puntos
3. Cota de entre 26 e 50 euros ao ano: 3 puntos
4. Cota de entre 11 e 25 euros ao ano: 2 puntos
5. Cota de menos de 10 euros ao ano: 1 punto

As subvencións para cada actuación poderán alcanzar ata o 100% do orzamento, tendo en conta que a axuda non poderá superar o importe máximo asignado ao orzamento na solicitude. En todo caso, a entidade beneficiaria terá a obriga de asumir o cofinanciamento pola parte que exceda o importe da axuda.

As actuacións e os investimentos subvencionables han de constituír o ámbito material de competencias das entidades beneficiarias que, se o consideran oportuno, poderán asignar recursos orzamentarios propios á mesma finalidade.

6.2. Quedarán excluídas aquelas solicitudes que incumpran os requisitos e condicionantes establecidos nestas bases e demais normativa aplicable en materia de subvencións.



Mércores, 20 de decembro de 2023

Núm. 243

O cumprimento destas circunstancias acreditarase mediante a achega da documentación necesaria correspondente, segundo o caso, e deberá estar referido, a máis tardar, con respecto á data de finalización do prazo de presentación de solicitude. A Deputación resérvase a potestade de requirir as aclaracións necesarias naqueles casos que non permitan dilucidar con claridade o seu cumprimento.

CAPÍTULO II. PROCEDEMENTO DE CONCESIÓN.

SÉTIMA. PROCEDEMENTO DE CONCESIÓN.

1. A instrución do procedemento de concesión de subvencións correspóndelle á xefa do Servizo de Cooperación cos Municipios

2. A instrución do procedemento de concesión comprenderá as seguintes actividades ou fases:

- a) Unha vez presentadas as solicitudes, realizarase o seu estudo e comprobación por parte do servizo instrutor e solicitaranse as emendas que procedan, que deberán presentarse no prazo de 10 días hábiles.
- b) Petición de informes: o órgano instrutor solicitará o informe dos servizos técnicos provinciais sobre os proxectos presentados e que cumpren os criterios que se deben ter en conta segundo estas bases.
- c) Informe-proposta da xefa do Servizo de Cooperación, no que figurará a valoración das solicitudes á luz dos criterios de valoración establecidos nestas bases, explicando o sistema de valoración seguido, relacionando as solicitudes por orde decrecente de puntuación, e sinalando a subvención que lle corresponde a cada un dos beneficiarios segundo o solicitado, tendo en conta que ás solicitudes con maior puntuación poderá asignárselles unha subvención de ata o cen por cen do orzamento presentado, dentro do importe máximo subvencionable e a contía solicitada. Para a última solicitude que obteña subvención, o importe subvencionable será igual á cantidade restante ata o esgotamento do crédito, se ben, pasará a formar parte da lista de agarda como primeira solicitude e poderá obter por esta vía unha subvención polo importe restante non subvencionado, coas limitacións reguladas por estas bases. Así mesmo, relacionaranse as solicitudes desestimadas, motivando as razóns da desestimación. Para aquelas solicitudes que se desestimen por terse esgotado o crédito establecerase unha prelación e pasarán a constituír a lista de agarda. En casos de empate, terán preferencia aquelas que obteñan maior puntuación no criterio de valoración que conste en primeiro lugar, pola orde establecida nestas bases. De persistir o empate, atenderase á data e hora de presentación da solicitude de subvención. No suposto de que o número total de solicitudes presentadas supoña un importe a subvencionar total que non exceda o importe máximo consignado para este programa, non será necesario proceder á valoración das solicitudes, sendo unicamente procedente a verificación do cumprimento dos requisitos xerais de subvencionabilidade establecidos nestas bases.
- d) Informe de fiscalización de Intervención de todos os expedientes e do informe-proposta.



Mércores, 20 de decembro de 2023

Núm. 243

- e) Estudo do informe-proposta por parte da Comisión de Avaliación, da que a secretaria ou secretario redactará a acta. A Comisión de Avaliación estará formada polos seguintes membros ou as persoas que se designen como os seus suplentes:

Presidencia:

- O deputado delegado de Acción Comunitaria

Vogais:

- A xefa do Servizo de Cooperación cos Municipios
- Unha técnica ou técnico do Servizo de Cooperación cos Municipios
- Unha técnica ou técnico do Servizo de Arquitectura
- Unha técnica ou técnico do Servizo de Infraestruturas e Vías Provinciais
- Unha técnica ou técnico da Intervención Provincial

Secretaria ou secretario:

- A xefa do Servizo de Cooperación ou funcionaria ou funcionario de carreira con titulación superior en quen delegue

- f) Proposta de resolución definitiva, que se elevará ao órgano competente para a súa aprobación.
- g) Resolución do órgano competente, de conformidade co que dispoñan as bases reguladoras, na que se deberán acreditar os fundamentos da resolución que se adopte. O prazo máximo para notificar e resolver non poderá exceder os 6 meses. O prazo computarase a partir do día seguinte ao de finalización do prazo de presentación de solicitudes. O vencemento do prazo máximo sen notificar os potenciais beneficiarios lexitímaos para entender desestimadas por silencio administrativo as súas solicitudes de concesión de subvención.

3. A proposta de resolución definitiva non crea ningún dereito a favor do beneficiario proposto fronte á Administración mentres non se lle notifique a resolución de concesión. Unha vez notificada a resolución de concesión, entenderase aceptada polas entidades beneficiarias salvo que estas a rexeiten expresamente.

4. As solicitudes que conteñan toda a documentación válida para a concesión das subvencións pero que non obteñan subvención por esgotarse o crédito dispoñible para este programa, quedarán en lista de agarda e poderán obter financiamento segundo o disposto na base Quinta.

OITAVA. LUGAR E PRAZO DE PRESENTACIÓN DAS SOLICITUDES.

8.1 Forma de presentación das solicitudes

As solicitudes presentaranse debidamente cubertas, especificando a súa denominación concreta, o orzamento e o importe da subvención solicitada, obrigatoriamente por vía electrónica a través do formulario normalizado dispoñible na Sede electrónica da Deputación de Pontevedra (<https://sede.depo.gal>), de acordo co establecido nos artigos 14.2 e 16 da Lei 39/2015, do 1 de outubro, do procedemento administrativo común das administracións públicas (LPACAP).



Mércores, 20 de decembro de 2023

Núm. 243

As ditas solicitudes deberán ser aprobadas mediante un acordo do órgano competente da entidade solicitante, que indique expresamente a finalidade concreta e a cantidade que se solicita, achegándose este acordo ou unha certificación acreditativa do acordo de aprobación.

Para a presentación das solicitudes a Sede electrónica da Deputación de Pontevedra admite os certificados electrónicos do sistema Cl@ve, que contempla a utilización de sistemas de identificación baseados en claves concertadas (sistemas de usuario e contrasinal) e certificados electrónicos (incluíndo o DNI-e).

8.2 Prazo de presentación das solicitudes

O prazo de presentación das solicitudes de subvencións que se acollan a este programa será desde o día seguinte ao da publicación das bases e do extracto desta convocatoria no Boletín Oficial da Provincia de Pontevedra (BOPPO) e na Base de Datos Nacional de Subvencións (BDNS) e ata o 29 de febreiro de 2024.

NOVENA. COMPROBACIÓN DE DATOS.

Para a tramitación dos procedementos consultaránse automaticamente os datos incluídos nas solicitudes:

- Certificación de estar ao corrente das obrigas tributarias para a percepción de axudas públicas coa Axencia Estatal Tributaria, coa Facenda autonómica, coa Seguridade Social e coa Deputación de Pontevedra.
- NIF da entidade solicitante.
- NIF da persoa representante.
- Inhabilitacións para obter subvencións e axudas.
- Constitución legal da comunidade de usuarios como titulares da concesión de aproveitamento de augas para consumo humano e a data da inscrición no rexistro público correspondente, mediante consulta aos órganos competentes.

No caso de que as entidades interesadas se opuxesen ás devanditas consultas deberán indicalo no cadro habilitado na solicitude de inicio e achegar os documentos correspondentes.

Excepcionalmente, no caso de que algunha circunstancia imposibilitase a obtención dos citados datos, poderáselles solicitar a presentación dos documentos correspondentes.

DÉCIMA. PRESENTACIÓN DE DOCUMENTOS.

As entidades solicitantes deberán presentar a solicitude normalizada, dispoñible na Sede electrónica da Deputación de Pontevedra, na que constan as seguintes declaracións responsables:

- Que a entidade solicitante non solicitou nin percibiu ningunha subvención doutras administracións públicas para o financiamento da mesma actuación.
- Que a entidade solicitante non incorre en ningunha causa de prohibición para a percepción de axudas ou subvencións públicas, que coñece e acepta o total contido

Pode verificar a integridade deste documento no seguinte enderezo:
<https://sede.depo.gal>
Código seguro de verificación:HXVSBP6U1X02VXPP



Mércores, 20 de decembro de 2023

Núm. 243

destas bases da convocatoria, e que asume o compromiso de cumprir as condicións da subvención.

- Que a entidade solicitante está ao corrente no cumprimento das súas obrigas coa Facenda estatal, coa Facenda autonómica e coa Seguridade Social e coa Deputación provincial.
- Que a entidade solicitante ten a titularidade dunha concesión de aproveitamento de augas para consumo humano.
- Que a entidade solicitante ten o domicilio social na provincia de Pontevedra.
- Que a entidade solicitante está legalmente constituída e debidamente inscrita no rexistro público correspondente.
- Que a entidade solicitante posúe a titularidade ou ten dereito de uso cunha duración mínima de cinco anos por calquera título válido sobre os terreos ou inmobles en que se vai desenvolver a actuación cuxa subvención se solicita.
- Que as actuacións subvencionables se van realizar integramente no territorio da provincia de Pontevedra.
- Que a entidade solicitante se compromete a obter as autorizacións, licenzas e permisos preceptivos para a execución das actuacións obxecto da subvención.
- Que autoriza expresamente a Deputación de Pontevedra para solicitar tanta información resulte necesaria para a correcta comprobación e verificación da información subministrada e, en especial, para dar acceso de forma automática aos rexistros, bases de datos ou arquivos dixitais onde conste a información necesaria para efectuar as comprobacións, cando iso sexa posible.

Ademais, xunto coa devandita solicitude as entidades solicitantes deberán presentar a seguinte documentación:

- Documentación acreditativa do nomeamento e vixencia do posto de secretario/a da entidade solicitante.
- Certificación expedida pola persoa que exerza o posto de secretario da comunidade de usuarios, no que se faga constar:
 - O acordo do órgano competente no que se acorde solicitar a subvención, coa indicación do importe e da denominación da actuación para a que se solicita a subvención.
 - Que se cumpren os requisitos e as obrigas sinalados nestas bases reguladoras.
 - O número de comuneiros actualizado con data comprendida como máximo desde os tres meses anteriores á data de apertura da convocatoria.
 - O importe individualizado da totalidade das cotas que pagan anualmente os comuneiros referidos á última anualidade vencida ou, no seu caso, xustificantes dos ingresos da última anualidade vencida ou documentos análogos que permitan a súa comprobación.



Mércores, 20 de decembro de 2023

Núm. 243

- Que todos os prezos unitarios que constan no orzamento están dentro dos límites máximos establecidos nas tarifas de referencia.
- Documentación acreditativa da titularidade ou da cesión do dereito de uso cunha duración mínima de cinco anos sobre os terreos ou inmobles en que se vai desenvolver a actuación.
- Documentación acreditativa da obtención das autorizacións, licenzas e permisos preceptivos para a realización da actuación subvencionable ou, no seu caso, de telos solicitado. En todo caso, a súa obtención deberá acreditarse, a máis tardar, no momento da xustificación final.
- Unha memoria valorada ou proxecto técnico, nos casos que resulte esixible, asinada electronicamente polo/a presidente/a da entidade solicitante e/ou os/as técnicos/as competentes, na que conste o seguinte contido mínimo:
 - Memoria explicativa na que se describa o obxecto das actuacións subvencionables, detallando en planos ou esquemas a localización das actuacións. A memoria recollerá os antecedentes e a situación previa á intervención para a que se solicita a subvención, as necesidades que se deben satisfacer e a xustificación da solución adoptada, e na que se detallan os factores de todo tipo que hai que ter en conta. Esta memoria tamén deberá conter todos os aspectos a valorar no apartado de xustificación da necesidade e adecuación dos obxectivos que se pretenden acadar, relacionados na base 6ª.1.d).
 - Planos de localización e fotografías, que evidencien a situación da infraestrutura sobre a que se vai intervenir antes da execución das actuacións subvencionables, de forma que se identifiquen as datas en que se tomaron as fotografías, os lugares e infraestruturas sobre as que se vai intervenir e o seu estado, que deberá corresponderse co estado previo á execución das actuacións subvencionables. Non serán subvencionables aquelas actuacións nas que non existan evidencias gráficas ou os servizos técnicos provinciais non poidan comprobar materialmente o estado anterior á realización das actuacións subvencionables.
 - Un orzamento desagregado, no que se definan con claridade os distintos elementos, coas súas características técnicas precisas, con expresión dos prezos de cada elemento, o número de unidades, e co IVE desagregado que sexa de aplicación, facendo mención, cando elo sexa posible, aos importes equivalentes dos prezos unitarios correspondentes das tarifas de referencia, publicadas no enlace <http://www.epseaga.com/?q=gl/node/8> e na páxina web da Axencia Galega de Desenvolvemento Rural, agader.xunta.gal, en formato .bc3. En caso de que o IVE sexa deducible, deberá indicarse expresamente.

No caso de que algún dos documentos a presentar de forma electrónica superase os tamaños máximos establecidos ou tivese un formato non admitido pola Sede electrónica da Deputación de Pontevedra, permitirase a presentación deste de forma presencial dentro dos prazos previstos. A información actualizada sobre o tamaño máximo e os formatos admitidos pode consultarse na Sede electrónica da Deputación de Pontevedra.

Pode verificar a integridade deste documento no seguinte enderezo:

<https://sede.depo.gal>

Código seguro de verificación:HXVSBP6U1X02VXPP



Mércores, 20 de decembro de 2023

Núm. 243

Calquera falsidade nos datos presentados dará lugar á perda da subvención concedida, ademais doutras medidas que para o caso poida arbitrar o organismo provincial.

Non se concederán subvencións se non figuran no expediente todos os formularios e os documentos preceptivos recollidos nestas bases. En caso de defecto, erro ou ausencia na presentación da documentación á que se refire esta base, ou de incumprimento do previsto no artigo 68 da LPACAP, requiriráselle á entidade interesada que emende as faltas ou omisións no prazo máximo de dez (10) días hábiles, e indicaráselle que, se non o fai, se terá por desistida da súa solicitude, previa resolución que deberá ser ditada nos termos previstos no artigo 21 da citada lei. A falta de presentación da memoria valorada ou, no seu caso, do proxecto técnico non será considerado como un defecto emendable e operará como unha causa de exclusión.

A comprobación do contido dos proxectos realizarana os servizos técnicos provinciais.

Os anexos dispoñibles na Sede electrónica da Deputación Provincial de Pontevedra, <https://sede.depo.gal>, non serán obxecto de manipulación ou emendas. Poderanse utilizar modelos propios de certificacións que deberán respectar o contido exacto recollido nestas bases.

DÉCIMO PRIMEIRA. NOTIFICACIÓN.

As notificacións de resolucións e actos administrativos practicaranse só por medios electrónicos, nos termos previstos na normativa reguladora do procedemento administrativo común.

As notificacións practicaranse a través da Dirección Electrónica Habilitada única, accesible desde a Sede electrónica da Deputación de Pontevedra (<https://sede.depo.gal>).

As notificacións entenderanse practicadas no momento no que se acceda ao seu contido e rexeitadas cando transcorresen dez (10) días naturais desde a posta a disposición da notificación sen que se acceda ao seu contido.

O sistema remitiralles ás persoas interesadas avisos da posta a disposición das notificacións á conta de correo electrónico indicada na solicitude. Estes avisos non terán, en ningún caso, efectos de notificación practicada e a súa falta non impedirá que a notificación se considere plenamente válida.

Se o envío da notificación electrónica non fose posible por problemas técnicos a Deputación de Pontevedra practicará a notificación polos medios previstos na normativa reguladora do procedemento administrativo común.

DÉCIMO SEGUNDA. TRÁMITES ADMINISTRATIVOS POSTERIORES Á PRESENTACIÓN DAS SOLICITUDES E EMENDA DESTAS.

Se a solicitude non reunise os datos esixidos na convocatoria ou calquera dos previstos no artigo 66 da LPACAP, requiriráselle á entidade interesada, de conformidade co establecido no artigo 68 desta lei, que, nun prazo de dez (10) días hábiles, emende as faltas ou presente os



Mércores, 20 de decembro de 2023

Núm. 243

documentos preceptivos, e indicáraselle que, se non o fai, se terá por desistida a súa solicitude, previa resolución que será ditada nos termos do artigo 21.

Todos os trámites administrativos que as entidades interesadas deban realizar durante a tramitación deste procedemento faranse por medios electrónicos a través do modelo “2887054 Trámites administrativos xenéricos distintos da solicitude”, dispoñible en <https://sede.depo.gal>.

A Sede electrónica ten dispoñibles unha serie de modelos xenéricos que as persoas interesadas poden utilizar para realizar as xestións máis habituais durante a tramitación administrativa (representación, emenda da solicitude, alegacións, renuncia ou recursos, entre outras). Estes modelos son comúns para os distintos procedementos e poderán empregarse sempre que a normativa reguladora do procedemento concreto para o que se vaian utilizar non estableza outros modelos específicos. Os modelos xenéricos poderán descargarse para anexalos a unha solicitude ou para levar a cabo trámites sobre outros expedientes e presentalos electronicamente. No formulario deberá indicarse, no seu caso, o procedemento para o que se está a realizar o trámite. Os modelos están dispoñibles en: <https://sede.depo.gal/web/public/dynamic/catalogo/tramitesxenericos>.

CAPÍTULO III. EXECUCIÓN E XUSTIFICACIÓN DAS ACTUACIÓNS SUBVENCIONADAS POLOS BENEFICIARIOS.

DÉCIMO TERCEIRA. PRAZO DE EXECUCIÓN E XUSTIFICACIÓN DAS ACTUACIÓNS.

As actuacións deberán estar executadas e xustificadas na súa totalidade o 30 de novembro de 2024.

Este prazo só poderá ser prorrogado, por un máximo de tres (3) meses, previa solicitude debidamente motivada da entidade beneficiaria naqueles casos en que se acredite o cumprimento dalgún dos seguintes requisitos:

- A demora na obtención dos permisos, licenzas e autorizacións necesarias para a normal execución das actuacións subvencionables
- A aparición de circunstancias sobrevidas ou imprevisibles non imputables á entidade beneficiaria e que dificulten a execución no prazo previsto inicialmente

A estes efectos, a prórroga será acordada individualmente para cada entidade e deberá aprobarse polo órgano competente da Deputación con anterioridade ó vencemento do prazo inicial.

En atención ó anterior, a solicitude de prórroga deberá formalizarse antes do 15 de novembro de 2024. No caso de non estar aprobada a prórroga na data de vencemento dos prazos de execución e xustificación, considerarase denegada.

A Deputación Provincial poderá inspeccionar a execución das obras obxecto deste plan e as actuacións realizadas cando o considere oportuno, así como formular as observacións que estime pertinentes.



Mércores, 20 de decembro de 2023

Núm. 243

DÉCIMO CUARTA. OBRIGAS DAS ENTIDADES BENEFICIARIAS.

As entidades beneficiarias, en conformidade co disposto nestas bases, estarán obrigadas a cumprir o establecido no artigo 11 da Lei 9/2007, de 13 de xuño, de subvencións de Galicia (LSG), en particular:

- A destinar o importe das subvencións outorgadas ao cumprimento total das finalidades que fundamentan a concesión das subvencións.
- A realizar as actuacións que fundamentan a concesión das subvencións nos prazos sinalados nestas bases.
- A someterse ás actuacións de comprobación e control financeiro que determine a Deputación de Pontevedra, para o que achegarán canta información se lles requira no prazo que estableza a institución provincial. A estes efectos, en relación ó control financeiro, as entidades beneficiarias deberán cumprir o disposto no artigo 31 da Ordenanza xeral de subvencións da Deputación de Pontevedra, dispoñible no enlace: <https://boppo.depo.gal/web/boppo/detalle/-/boppo/2016/12/30/2016045874>.
- A destinar os bens ao fin concreto para o que se concedeu a subvención durante un mínimo de cinco anos.
- A cumprir a normativa de subvencións e a demais normativa que sexa de aplicación.

As entidades beneficiarias deberán darlle a adecuada publicidade ao financiamento por parte da Deputación de Pontevedra para as actuacións subvencionadas. Para estes efectos deberán:

- En todas as medidas de información e comunicación que leve a cabo, a entidade beneficiaria deberá recoñecer o apoio da Deputación de Pontevedra, de conformidade co Manual de imaxe corporativa específico desta axuda, dispoñible no portal institucional da Deputación de Pontevedra, incluída a imaxe institucional correspondente.
- Acreditar a publicidade, indicando as accións de comunicación realizadas, as fotos e demais documentación que se considere necesaria
- Colocar en lugar visible un cartel informativo, que facilitará a Deputación de Pontevedra, no que se indique que se trata dunha obra subvencionada pola institución provincial, o importe subvencionado e o logotipo da Deputación.
- Facerse cargo fisicamente dos carteis que se realicen e da súa retirada tras a finalización do prazo de garantía ou, en todo caso, un ano despois da comprobación material realizada pola Deputación.

Correspóndelle ao Departamento de Comunicación Institucional dar as instrucións que se deben seguir no relativo á imaxe institucional. Para estes efectos, en www.depo.gal atópanse os modelos normalizados dos carteis e outras formas de publicidade que deben incluírse nos investimentos.

DÉCIMO QUINTA. XUSTIFICACIÓN DA SUBVENCIÓN.

Todas as actuacións deberán estar xustificadas na data 30 de novembro de 2024.



Mércores, 20 de decembro de 2023

Núm. 243

A xustificación da subvención realizarase coa achega de xustificantes de gasto, certificacións, facturas e a demais documentación xustificativa, segundo o previsto nesta base. E en todo caso coa seguinte documentación:

- Memoria explicativa do investimento realizado e dos resultados obtidos, que inclúa unha reportaxe fotográfica, asinada electronicamente polo presidente ou pola presidenta da entidade beneficiaria ou por quen actúe en representación desta. A presentación das fotografías farase de forma que se identifiquen os lugares e o momento da execución á que correspondan (antes, durante e despois).
- Conta xustificativa dos gastos no modelo normalizado dispoñible no seguinte enlace (formulario 100.001): <https://www.depo.gal/es/descarga-de-documentos>, asinada electronicamente e debidamente cuberta, na cal se relacionarán as facturas ou documentos probatorios no tráfico mercantil e administrativo (identificaranse o proveedor, NIF, número de factura, concepto e importe) que xustifiquen a execución do proxecto que fundamentou a resolución de concesión. Os gastos xustificados deberán axustarse aos conceptos incluídos no orzamento inicial. Non se aboará máis que o importe xustificado co límite da subvención concedida.
- Facturas dos gastos realizados, que deberán detallar as unidades e os prezos unitarios. De non vir correctamente tipificado o gasto, as facturas non se admitirán a trámite, o que dará lugar á perda da subvención concedida.
- Acreditación da publicidade dada ao financiamento obtido da Deputación mediante fotografías do cartel publicitario, dossier de noticias de prensa ou outras accións de publicidade en redes, páxinas web, etc.
- Especificamente, para o caso de novas concesións e novacións das existentes, deberase acreditar tamén a presentación nos rexistros correspondentes da documentación preceptiva para a tramitación ante o órgano competente en materia de augas e da solicitude do informe sanitario correspondente, así como os documentos xustificativos da publicacións e pagos das taxas e calquera outro gasto subvencionable realizado.
- Declaración de non ter percibido outras subvencións, ingresos ou axudas para a mesma finalidade, procedentes de calquera outra Administración, ente público ou privado estatal ou internacional.
- Acreditación da obtención das autorizacións, permisos e licenzas pertinentes, no caso de non telos achegado con anterioridade.
- Acreditación de estar ao día nas obrigas que lles sexan de aplicación coa Axencia Estatal da Administración Tributaria, a Tesourería Xeral da Seguridade Social, a Axencia Tributaria de Galicia e a Deputación de Pontevedra.

As entidades beneficiarias estarán obrigadas ao pagamento dos gastos do proxecto subvencionado unha vez executados e, en todo caso, no prazo máximo dun mes desde a percepción do ingreso correspondente á subvención concedida.

A estes efectos, as entidades beneficiarias deberán achegar, no prazo máximo de dous meses desde a percepción do ingreso, o xustificante bancario acreditativo do pagamento das facturas

Pode verificar a integridade deste documento no seguinte enderezo:
<https://sede.depo.gal>
Código seguro de verificación:HXVSBP6U1X02VXPP



Mércores, 20 de decembro de 2023

Núm. 243

presentadas, debidamente identificado. Non se admitirán pagamentos en efectivo nin mediante cheque bancario. No caso de non achegarse no prazo indicado este xustificante ou facelo de forma incompleta, requiriráselle para a súa correcta presentación no prazo de quince días.

Este aspecto será obxecto de comprobación polo centro xestor, así como nas actuacións de control financeiro, constituíndo, en caso de incumprimento, causa de reintegro polo importe da factura pagada fóra de prazo.

A documentación xustificativa deberá cumprir as esixencias establecidas na normativa vixente en cada momento e de modo particular o disposto no Real decreto 1619/2012, de 30 de novembro, polo que se aproba o Regulamento que regula as obrigas de facturación.

A xustificación da difusión da colaboración económica da Deputación axustarase ás normas segundo o indicado na base décimo cuarta sobre obrigas dos beneficiarios e nesta mesma base. Os certificados sobre publicidade indicarán os medios nos que se lle deu difusión e, no seu caso, achegarase a acreditación gráfica.

A Deputación poderá requirir ás entidades beneficiarias para que acheguen cantos datos, documentos complementarios e aclaracións resulten necesarios para a correcta verificación da xustificación presentada e a comprobación da execución do proxecto subvencionado.

A documentación xustificativa será comprobada polos servizos de Cooperación e Intervención da institución provincial. As actuacións realizadas estarán sometidas á comprobación explícita da execución dos investimentos por parte dos servizos técnicos da Deputación provincial, que verificarán as certificacións de obras e facturas remitidas. Esta comprobación material do investimento é un requisito imprescindible do que debe quedar constancia no expediente xustificativo.

En todo caso, a Deputación, en virtude das facultades que ten atribuídas, resérvase as facultades de inspección e comprobación das obras en calquera momento. A este fin, as entidades beneficiarias, a requirimento da Deputación, estarán obrigadas a comunicar as datas de inicio e fin das actuacións subvencionadas.

DÉCIMO SEXTA. PAGAMENTO.

Todas as actuacións deberán estar executadas na data sinalada na base décimo terceira e deberán xustificarse no prazo indicado nesa mesma base. O incumprimento destes prazos dará lugar á perda do dereito a cobrar total ou parcialmente a subvención. O pago ás entidades beneficiarias do importe da subvención realizarase á vista dos xustificantes de gasto, certificacións, facturas e demais documentación xustificativa, segundo o previsto nestas bases.

O pagamento das subvencións efectuarase previa comprobación por parte dos servizos de Cooperación e Intervención e dos servizos técnicos provinciais de que se realizou o gasto para o fin e polo importe subvencionado e, ademais, de que se cumpriu a finalidade e o obxecto da subvención.



Mércores, 20 de decembro de 2023

Núm. 243

Unha vez realizados todos os trámites para efectuar as comprobacións oportunas, o órgano competente da Deputación ditará resolución na que se aprobará a xustificación e procederase a librar o pagamento da axuda, sen prexuízo do cumprimento da obriga de achegar, no prazo máximo de dous meses desde a percepción do ingreso, o xustificante bancario acreditativo do pagamento das facturas presentadas, debidamente identificado, de conformidade co disposto na base décimo quinta.

DÉCIMO SÉTIMA. MODIFICACIÓN DA RESOLUCIÓN DE CONCESIÓN.

- Toda alteración das condicións tidas en conta para a concesión da subvención e, en todo caso, a obtención concorrente doutras achegas fóra dos casos permitidos nas normas reguladoras, poderán dar lugar á modificación da resolución de concesión, de acordo co artigo 17.3.l) da Lei 38/2003, do 17 de novembro, xeral de subvencións, previa solicitude suficientemente xustificada que se deberá presentar con antelación á finalización do prazo de execución inicialmente concedido.
- O órgano competente para a concesión destas axudas poderá acordar a modificación da resolución a instancia do beneficiario, debendo cumprirse, en todo caso, os requisitos recolleitos no artigo 64 do Real Decreto 887/2006, do 21 de xullo, polo que se aproba o Regulamento da Lei xeral de subvencións.
- A modificación só será posible no caso de que non altere a puntuación obtida pola persoa beneficiaria por aplicación dos criterios de concesión, nin se prexudiquen dereitos de terceiros e non deberá variarse o destino ou finalidade da subvención.
- No caso de que a execución do proxecto subvencionado teña un custo inferior ao inicialmente previsto, o pago da subvención realizarase de acordo co custo real do proxecto executado e xustificado, ata o límite do importe concedido.
- Os gastos subvencionables que se correspondan con analíticas ou cos gastos derivados directamente da tramitación de novas concesións ou novacións non poderán modificarse para cambiar o destino a outros gastos de investimento e viceversa.

En ningún caso o menor custo de execución do proxecto subvencionado pode supoñer unha execución deficiente deste, e a entidade beneficiaria da subvención debe cumprir as condicións da concesión e a finalidade ou obxectivos para os cales se lle concedeu a axuda.

DÉCIMO OITAVA. COMPATIBILIDADE.

As subvencións que se concedan no marco destas bases son incompatibles con outras subvencións, ingresos ou axudas para a mesma finalidade, procedentes de calquera outra Administración, ente público ou privado estatal ou internacional.



Mércores, 20 de decembro de 2023

Núm. 243

DÉCIMO NOVENA. PERDA DO DEREITO DE COBRO E/OU REINTEGRO.

Procederáse ao reintegro e/ou perda do dereito de cobro, total ou parcial, das subvencións outorgadas, en conformidade con estas bases, nos termos fixados na normativa de subvencións e, de modo particular, nos artigos 36 e seguintes da LXS.

Serán causas específicas de perda do dereito de cobro ou reintegro, total ou parcial, das subvencións outorgadas, ademais das xerais, as seguintes:

- O incumprimento da normativa de subvencións.
- O incumprimento das condicións e obrigas asumidas no outorgamento da subvención.
- O incumprimento dos obxectivos fixados no proxecto/memoria do investimento
- A realización das actuacións subvencionables sen dispoñer das concesións, autorizacións, licenzas e permisos preceptivos
- A falta de presentación en tempo e forma da documentación xustificativa ou a súa presentación incompleta
- A falta de pagamento dos xustificantes de gasto das actuacións subvencionadas no prazo máximo dun mes desde a percepción dos fondos correspondentes coa subvención concedida.
- A falta de presentación nos prazos establecidos do xustificante bancario acreditativo do pagamento das facturas presentadas, debidamente identificado, de conformidade co disposto na base décimo quinta.

VIXÉSIMA. RECURSOS.

Contra o acordo de aprobación destas bases, que lle pon fin á vía administrativa, poderase interpoñer un recurso potestativo de reposición ante o mesmo órgano que o ditase no prazo dun (1) mes a partir do día seguinte ao desta publicación (artigos 123 e 124 da LPACAP), ou ben directamente un recurso contencioso-administrativo ante o Xulgado do Contencioso-Administrativo de Pontevedra, de acordo co disposto no artigo 8 da Lei 29/1988, de 13 de xullo, reguladora da xurisdición contencioso-administrativa. Todo iso no prazo establecido no artigo 46 desta lei, sen prexuízo de que se poida utilizar calquera outro recurso que se estime conveniente.

VIXÉSIMO PRIMEIRA. PUBLICIDADE DA CONVOCATORIA.

Estas bases reguladoras publicaranse no BOPPO e en <https://sede.depo.gal>.

Por outra parte, de conformidade co previsto nos artigos 17.3.b) e 20.8.a) da LXS, remitiráselle o texto da convocatoria á BDNS para a súa publicación nela, que será a que lle dea traslado do seu extracto ao BOPPO.



Mércores, 20 de decembro de 2023

Núm. 243

VIXÉSIMO SEGUNDA. PROTECCIÓN DE DATOS.

Os datos persoais obtidos nestes procedementos serán obxecto de tratamento pola Deputación de Pontevedra, en calidade de órgano responsable, coa finalidade de xestionar este procedemento, verificar os datos e os documentos que as persoas interesadas declaren nas súas solicitudes para comprobar a súa exactitude e levar a cabo todas as actuacións administrativas que, no seu caso, deriven.

A lexitimación para o tratamento dos datos baséase no cumprimento dunha tarefa de interese público ou no exercicio de poderes públicos segundo as normas de rango legal recollidas no apartado “Normativa aplicable” dispoñible na ficha de procedemento en <https://sede.depo.gal> e o consentimento das persoas interesadas.

Os datos persoais obtidos neste procedemento serán obxecto de comunicación ás administracións públicas no exercicio das súas propias competencias ou cando sexa necesario para que a cidadanía poida acceder de forma integral á información relativa a unha materia.

As persoas interesadas poderán acceder, rectificar e suprimir os seus datos, así como exercer outros dereitos ou revogar o consentimento segundo o previsto en <https://depo.gal/proteccion-de-datos/exercicio-de-dereitos>.

ANEXOS DA CONVOCATORIA E MODELOS DE PRESENTACIÓN DE DOCUMENTACIÓN.

Todos os modelos normalizados para solicitar estas subvencións estarán dispoñibles na Sede electrónica da Deputación, <https://sede.depo.gal>

